

ხალხის აღწერის და შემოსავლის დავთრები საქართველოში*)

აქამდისინ თითქმის არაფერი ვიცოდით რა იმის შესახებ, რომ საქართველოს სამეფოში ხალხის აღრიცხვა იყო ხოლმე, **) ჩვენ საისტორიო მწერლობაში არა თქმულა რა იმის თაობაზე, რომ საქართველოს მცხოვრებთა ძველი აღწერის დავთრები ეხლაც არსებობენ. თუმცა ქართლის ცხოვრებაში (ზ. კიკინაძეს გამ. გვ. 564) ნათქვამია, რომ მონგოლებმა საქართველოს მკვიდრნი და მათი ქონება აღწერეს, მაგრამ ამ ცნობის გარდა სხვა არაფერია მოყვანილი ზემოხსენებულ მატრიანეში. მხოლოდ ვახტანგ მეფის „დასტურლამალი“-ს შესწავლამ დამარწმუნა, რომ საქართველოში ვახტანგის დროს უნდა ყოფილიყო ხალხის აღ-

*) ეს მოხსენება 22 თებერვალს 1901 წ. პეტერბურგის საარქეოლოგიო საზოგადოების აღმოსავლეთის განყოფილების კრებაზედ იყო წაკითხული და რუსულად ამავე საზოგადოების კრებულში „Записки Восточн. отд. Рус. археолог. общества.“ არის დაბეჭდილი.

**) ამის შესახებ უნდა დ. ფურცელაძეს სცოდნოდა, რადგან სხვათა შორის მან ორიოდე ისეთი საბუთი დაბეჭდა (Двор. и грам.) რომელშიაც აღწერაზეა სწორედ ნათქვამი, მაგრამ როდესაც ის თავის გამოცემულ სიგელგუჯრების სინასიტყვაობაში საბუთების მნიშვნელობაზე ლაპარაკობს, კრინტიც არ ირის დაძრული ხალხის აღწერის შესახებ. ალბად ფურცელაძეს, ან დავიწყებია ეს გარემოება, ან ყურადღება არ მიუქცევია. ბ. ხახანაშვილი თავის თხზულებაში „ბატონ-ყმობა საქართველოში“ თუმცა ამბობს, ქართლს 7 წელიწადში ერთხელ ასწერდნენ ხოლმე, მაგრამ, სამწუხაროდ ამ აღწერებს რუსულ „ревизскія сказк“-ებს უღარებს და რო-

წერის დავთრები: ამ წიგნში ნათქვამია კიდევ როგორ უნდა აღწერილიყო ხალხი საქართველოში, ხოლო იმავე წიგნის სხვა და სხვა ადგილას ისეთი სტატისტიკური ცნობებია გაფანტული, რომელნიც შეჭველად ხალხის აღრიცხვის დაგთრებიდან უნდა იქონიებდნენ, თვით „დასტურლამალ“-შიაც კი ნათქვამი იქნის შესახებ. ამ წიგნის მე-13-ე გვერდზე ვკითხულობთ: „როდესაც ქართლი აღწერილ და ან აღწერებამ, ამ წესით უნდა აღიწერებოდეს, ყაიყულიდან შემოყოლებით თათარსა და მელიქის სათლლარის გარდა, სომკითს, ტაშირს, ყაიყულის თრიალეთს და საბარათაშკალოში—ამაზედ საბარათაშვილოს სარდალი წავა, ერთი მდივანი წავა, აღწერს და დავთარს დაიჭერს...“

მაგრამ დიდად შემცდარი იქნება ის, ვინც იფიქრებს, რომ ხალხის აღრიცხვა საქართველოში პირველად ვახტანგ მეფემ შემოიღო. ზემო მოყვანილ ნაწყვეტიდან ჩანს, რომ ამ მეფის წინადაც საქართველოში ხალხი აღწერილა და აღწერის წეს-რიგი უკვე შემუშავებული იყო, ვიდრე ვახტანგ მეფე თავის „დასტურლამალ“-ს შეადგენდა. ვახტანგის ზემო მოყვანილი ცნობა ქართლის აღწერის შესახებ საყურადღებოა მხოლოდ იმ მხრივ, რომ იგი ცხადად გვიჩვენებს, რომ აღწერა

გორც სჩანს ავტორს ჰგონია, რომ ჩვენებურ აღწერაზე ჰქონდა იგივე დანიშნულება, რაც რუსების — ревиз. сказ.-ებს. მაგრამ ქართულ აღწერას უფრო ფართო მნიშვნელობა ჰქონდა და თუ საქმე შედარებაზე მივარდა შეიძლება მხოლოდ რუსულ „писцовая книга“-ებს შევადაროთ.

დასასრულ პროფ. ცაგარლის „Свѣдѣн.“-ების მე-III-ე წიგნში (გვ. XV, XXV) მოყვანილი აქვს ჩუბინაშვილის შედგენილი კატალიგიდგან ორიოდე ისეთი საბუთების სათაური, რომელნიც სწორედ აღწერის დავთრები არიან, მაგრამ ბ. ცაგარელი სიჩქაროდ შედგენილ სათაურებს შეუცდენიათ და ამიტომ ამ საბუთებს რაღაც „статистико географическое описание“-ადა სთვლის.

აღწერის შესახებ სწორედ აქვთ მოყვანილი „დასტურლამალი“-დან ცნობები განსვენებულს მ. ბროსეს (Hist. de la g. II, livr. 501, Introd. p. CV.) და ბაქრაძეს (Сборникъ законовъ грузин. царя Вахтанга, прим. § 199.)

საქართველოში საყოველთაო იყო და სამეფოს თვითოეულ მხარეს შეეცებოდა: „დასტურლამალ“-ში ნათქვამია, როგორ უნდა აღიწეროს ცალ-ცალკე ზემოქართლი, საციციანო, მუხრანი, ქსნისა და არაგვის საერისთაო. მაგრამ რომ მეფე ვახტანგ მე-VI-დეც ყოფილა ხალხის აღწერა შეიძლება 1689 წელს მეფე ნაზარალიხანის (1688 — 99) საბარათიანოს სარდლისადმი მიცემულ წყალობის წიგნითაც დამტკიცდეს:

„თუმცა საბარათიანოს დროშის (გამგეობის) წეს-რიგი დამტკიცებული იყო, მაგრამ მას არ ასრულებდნენ; ეხლა როდესაც ღვთის წყალობით ბედნიერმა კელპშიფემ (მაჰმა) გვიბოძა ჩვენ მკვიდრი მეფობა ჩვენი, კეთილად ვსცანით და საბარათიანოს დროშა დავაწესეთ და სარდლად დავნიშნეთ თამაზ ორბელიანი... საზღაფმა ყოველ 7 წელიწადში ერთხელ უნდა ეგელა თავისი დროშის ხელქვეითნი აღწეროს და აღწამწერლად გადაახდევინოს ხელმე...“ (Пурцеладзе Двор. Грам. 10, 11) ეს წყალობის წერილიც გვიჩვენებს, რომ ხალხის აღწერა ნაზარალიხანის წინადაც უნდა ყოფილიყო, რასაკვირველია, თუ შეიძლება ხალხის აღწერაც საბარათიანოს დროშის დამტკიცებულ წეს-რიგად ჩაითვალოს. ამ წერილში უფრო საყურადღებო ის ცნობაა, რომ „სარდალმა ყოველ 7 წელიწადში ერთხელ უნდა ყველა თავის დროშის ხელქვეითნი აღწეროს“.

მკითხველი რომ სრულებით დაეარწმუნოთ, რომ მართლაც მეფე ნაზარალიხანამდეც არსებობდა ხალხის აღწერა, მე მოვიყვან როსტომ მეფის 1656 წელს ნაბოძებ წყალობის წიგნს, რომლითაც მან „ამილახორს (ელისეს) ნება მისცა თავისი კარის მდივან-მწიგნობარის თანადასწრებით აღწერა ყველანი, ვინც მის სადროშოს ეკუთნოდენ (Пурцеладзе. Двор. Грам. 7).

ამ ცნობებმა სრულებით დამარწმუნეს, რომ საქართველოში ყოფილა დროგამოშვებით ხალხის აღწერა. აღწერის დავთრების ძებნადა იყო მხოლოდ საჭირო, — მით უმეტეს, რომ იოანე ბატონიშვილის წიგნსაცავის კატალოგში, რომელიც პროფ. ცაგარელის „Свідѣнія о памят. груз. письм.“-ის მე-III-ე

წიგნში 256-ედ დაბეჭდილია (იხ. გვერდი 218) ოთხი სია: 1) საორბელო, 2). დავთარი ყმებზედ და მამულებზედ, 3) სია ძღვნებისა მეფის სასახლეში მისატანათ... მე ვიმედოვნებდი, რომ ამ საბუთებში შეიძლებოდა საინტერესო სტატისტიკური ცნობები მეპოვა. როცა პეტერბურგის საჯარო სამკითხველოში ავიღე ეს ხელთნაწერები და გადავსინჯე, დავრწმუნდი, რომ საბუთები უფრო საყურადღებოა, ვიდრე მე მეგონა და ვიდრე პრ. ცაგარლის დაბეჭდილ კატალოგიდანა ჩანდა: ეს საბუთები სწორედ ის ხალხის აღწერის დავთრები იყო, რომელთა პოვნაც მე მინდოდა: ორი აღწერა საბარათიანოს და სომხითის დროშისაა, მესამე სახელმწიფო შემოსავლის დავთარი. რომ მე არ შეეცდი და ეს აღწერის დავთარი მარტო ორბელიანთ არ შეეხება, იქიდანაც ჩანს, რომ ამ საბუთებში სახასო ყმებიც არის აღწერილი, აზნაურშვილისაც და საეკლესიოც. ცხადია, რომ სახასო და საეკლესიო ყმები ორბელიანთ არ ეკუთნოდათ და მათ მეფის ნება დაუტრთველად აწერა არ შეეძლოთ.

ეს საბუთები მთლად გადავწერე, რომ უფრო უკეთესად შემესწავლა და შემდეგ დასაბეჭდათ მიმეცა. შარშან ზაფხულს ტფილისში ისტორიკოსს ბ. ე. თაყაიშვილისაგან შევიტყე, რომ იმასაც ხელთა ჰქონია ერთი აზნაურივე საბარათიანოს დროშის აღწერის დავთარი. ბ. თაყაიშვილი, როგორც თითონ მითხრა, ამ დავთრის დაბეჭვდას აპირებდა. სასურველი იყო, რომ ყველა ამ გვარი დავთრები ერთ წიგნად დაბეჭდილიყო და ამიტომ ჩემი პეტერბურგს გადაწერილი საბარათიანოს და სომხითის აღწერის დავთრებიც ბ. თაყაიშვილს გადავეცი, და გადავწყვიტე, რომ ყველა სადროშოების, თუ კერძო ადგილების „აღწერა“-ნი და მორიგი ჯარის ნუსხები, რომელთაც ჩვენამდის მოუღწევიათ, შემეკრიბა. ამ გვარად ჩემის ვარაუდით ის წიგნი, რომელშიაც მხოლოდ ხალხის აღწერის, შემოსავლის და მორიგი ჯარის დავთრები იქნება დაბეჭდილი, 1000 გვერდზე მეტს უნდა შეიცავდეს. აღწერის დავთრების უკვე დაბეჭდილი ნაწილი მე ხელთა მაქვს.

ამ დავთრების შესწავლა ჯერ არ გამოთავებია მე, ამიტომ რასაკვირველია, ჩემი მოხსენება, როგორც პირველი ცდა, სრული და დამთავრებული ვერ იქნება, და დაჟვარებულია მხოლოდ იმ შთაბეჭდილებასა და დასკვნაზე, რომელიც მე შემდგომო გამომეყვანა ამ საბუთების ერთი წლის შესწავლის განმავლობაში.

ჩვენამდის მხოლოდ 9 შემოსავლას დაგთხრობა მოაღწია, ცნობები გვაქვს აგრეთვე იმის შესახებ, რომ 4 ამგვარივე საბუთი ყოფილა. უძველესი შემოსავლის დავთარი, რომელმაც ჩვენამდის მოაღწია, მე-XV საუკუნისაა, საეკლესიო უწყებას ეკუთვნის და სამთავისის საეპისკოპოსოს შემოსავლის დავთარს შეიცავს. ეს საბუთი საქართველოს საეპისკოპოსოს მუზეუმში ინახება, ერთი ამ საბუთის ნაწყვეტი ბ. ჟორდანიამ თავის ქრონიკების პირველ და მეორე წიგნში დაბეჭდა (I, 214, II, 242). შემდეგ ქრონოლოგიურად მისდევს ბეგრის აწერილობა სამეგრელოს კათოლიკოზისა 1661—1680 (იხ. თაყაიშვილი. საქართ. სიძველენი, I, 57), სახელმწიფო შემოსავლის დავთარი საბარათინოს დროშისა (პეტერ. საჯარო სამკითხ. ივანე ბატონიშვი. წიგნსაცავი № 337), შემდეგ მე-XVII. საუკუნის საბეგრის სია ბიკვინტის კათოლიკოზისა (საქ. სიძვ. I, 59), ამავე საუკუნის ნუსხა საკათალიკოზო საბეგრისი (ibid. I, 61), 1785 წლის ღალის სია (საეკლესიო მუზ. კატალ. გუჯი. № 735), ზოდაშნელთა კულუხის ნუსხა 1789 წ. (ibid № 739), დასასრულ, ნუსხა წათლის ღების შემოსავლის, შედგენილი ზირაქ ბერის მიერ (ibid. № 201). დადგალმა მეფეთა და კათოლიკოზთა სიგელ-გუჯრებმა, ეპისკოპოსთა და მონასტრის მამასახლისების განაჩენის წერილებმა მოაღწიეს ჩვენამდის რომლებშიც განსაზღვრული და დაწესებულია იმ სარგოს და გადასახადის რაოდენობა, რომელიც სამეფოს თვითოეულ კუთხის მეკომურისაგან უნდა აეკრიბნათ. გადასახადის ზოგადი რაოდენობა ვახტანგ მეფის „დასტურ-ლამლ“-შიაც არის, რისაკვირველია, მოხსენებული (იხ. გვ. 44).

მოძიება ჯარის ნუსხები, რამდენადაც მე ვიცი, ჯერ მხოლოდ ოთხია ნაპოვნი: 1774 წლის ნუსხა მორიგეთა ხევის გაიბორტიდან (საქართ. სიძვ. I, 198), 1789 წლის ნუსხა ჯარში წასასვლელ კაცების ხატის სოფლიდან (ibid, I, 308), 1798 წლის კახეთიდან გამოწვეულ მორიგთა ნუსხა (იხ. პეტ. საჯარო წიგნსაცავი ხელთ. № 26, წერ. 19) და სია მეთოფურთა (საეკლ. მუზ. კატალ. № 848). ამას უნდა დაეუმატოთ კიდევ, რომ მორიგი ჯარის შესახებ რამდენიმე ზოგად განაჩენმა მოაღწია ჩვენამდე, ერთი მათგანი დაბეჭდილია კიდევ (საქ. სიძვ. I, 187).

ამ სიმის გარდა, რომელზედაც ზემოთა გვექონდა ლაპარაკი, კიდევ 8 ხალხის აღწერას დაგვთავაზა მოაღწია ჩვენამდის: აღავერდის ყმათა სია (იხ. საეკლ. მუზ. კატ. № 571), წა-გიორგის ეკკლესიის ყმათა მუღალაოელთა ყმათა სია (ibid. № 588), გორიჯვრის ყმათა სია (ibid. № 610), 1776 წლის ანანურის ყმათა სია (ibid. № 701), ამის გარდა აქ შეიძლება დავასახელოთ კიდევ სია მეფის კარის მოხელეთა (ibid. № 763) და 1773 წელს შედგენილი სია მეითალმან მამულებისა (ibid. № 360). — ცნობები საქართველოში დრო გამოწვევებით ხალხის აღწერის შესახებ მე-XIII-ე საუკუნიდანვე იწყობა, ეს აღწერა უძველესი საქართველოს მკვდრთა აღწერაა, რამდენადაც ჩვენამდის ცნობამ მოაღწია, და, როგორც „ქართლის ცხოვრება“ გადმოგვცეს, მონგოლების ბატონობის დროს მოხდა. ქართლის ცხოვრების გარდა ამ აღწერის შესახებ სომეხ ისტორიკოსის სტეფანოს ორბელიანის თხზულებაში *Մանգանիսი Օրբելյան: Պատմութիւն Միւսխայ II*, ცნობებსა ეპოულობთ; აქ ამ აღწერის თარიღიც-კია მოხსენებული, ამგვარად ორი ერთი მეორისაგან დამოუკიდებელი წყარო ამტკიცებს, რომ საქართველოში 1254 წელს ვეზირმა, არ-რომელიც ტფილისში იჯდა, საქართველოს მკვიდრნი და მათი ქონება აღწერა.

ამის გარდა ერთ ქართულად ნაწერ საბუთში, რონელიც საქართველოს მცხოვრებთა შესახებ სტატისტიკურ ცნობებს შეიცავს, 1760 წლის თარიღი უზის და მოსკოვის გარეშე

საქმეთა სამინისტროს წიგნ-საცავშია შენახული (Цагарели. Жур. Мин. Нор. прос. 1883 янв.), ხალხის აღწერის დავთრიდან ამოკრებილი სტატისტიკური ცნობებია შეტანილი. ტფილისის მსაჯულთა 1775 წლის განაჩენიდან ჩანს, რომ ერეკლე მეფეს ამ დროს ახლო ხანში ქ. ტფილისის, და იქნებ სხვებისაც, აღწერა უბძანებია. მე მოვიყვან ამ განაჩენიდან იმ ნაწილს, რომელშიაც იმის შესახებაა ნათქვამი: „ჩვენ მსაჯულებს ორივე მოწინააღმდეგეს თითოეულმა მოწმემ თავისი ჩვენება წარმოგვიდგინა; ავაქას მოწმები აშკარად ტყუოდნენ: როდესაც ჩვენ მეფის ბრძანებით ქალაქ ტფილისის მცხოვრებნი აგწერო და ეჟლს გვებედათ, მაშინ ფეიქარი ავაქა ორბელიანის ყმად ჩაეწერა და მოწმეებმა იმის უარყოფა ვერ იკისრეს. ცხადია, — ის რომ ორბელიანის ყმა არ ყოფილიყო, არც იმის ყმების (სიამში) ჩაეწერებოდა (Пурцеладзе, Крас. грам.). ტფილისის და მის მიდამოების აღწერა, დასასრულ, აკრეთვე 1799 წელს მომხდარა, როგორც სჩანს მდივან-მწიგნობრის განცხადებიდან, რომელიც ამბობს „მეფის ბრძანებით, მე, პანტელაშვილს, უნდა ტფილისი და მისი მიდამოები აღმეწერა. მე წარტო ტფილისის აღწერა მოვასწარ. აღწერას დაესწრნენ არუთინ დოღბანდელი და ბაღდასარ თამამშიშვილი (Пурц. Крест. Грам. 72).

ესლა სამ ზემოაღნიშნულ ხალხის აღწერის დავთრის განხილვას შეუდგეთ: ერთს მათგანს, სახელდობრ იმას, რომელიც ბ. თაყაიშვილსა აქვს, 1721 წლის თარიღი უზის, ორი უკანასკნელი, ჩემი გადაწერილები უთარიღონი არიან; პირველი დავთარი წიგნად არის შეკრული და მგონი სამეფო დავთარხანაში უნდა ყოფილიყო შენახული, იმიტომ რომ, ამ წიგნს ყდაზე ბეჭდები აზის. აღწერა ასე იწყობა: „აღწერა მეწინავე დროშისა საბარათაშვილოსა და სომხეთისა“ მერე ვახტანგის გემოვნებაზე დაწერილი წინასიტყვაობა არის, რომელშიაც ფრიად საყურადღებო ცნობებსა ვპოულობთ. ვახტანგ მეფემ, ნათქვამია იქ, „ბძანა აღწერა თვითოეულად, თვინიერ კავკასთა: ოვსთა და დვალთა და უჩინნა სხვათა კიდეთა სხვანი სარდალნი და მწიგნობარნი. ხოლო აღწერა მეწინავე დრო-

შის საბარათიშვილოსა და სომხეთისა უბძანა ძესა ჟვისსა ბატონიშვილს სარდალს ვახუშტის და თანახლება ჩვენ უნარ-ჩვევის მონის მდ(ი)კან მწიგნობრის თუმანიშვილის გივისა... აღვწერეთ ამა დავთართა შინა, რომელთა ძალედვა აბჯართა და ცხენთა კმარებანი, გინა სამეფოთა ხარკთა და ბეგართა გამოღებანი, ხოლო რომელთა არა ძალედვის ყოველისა რასამეს ქმნა და გამოღება, განუტევეთ და არა აღვწერეთ წიგნსა აქასა შინა“... (1721 წ. დავთრის წინასიტყ.) მეორე (საჯარო პეტ. წიგნ. ბატონ. იონეს ხელთნ. № 338) ხალხის აღწერის დავთარი, ქალაქის გრაგნილია, სიგანით $2\frac{1}{2}$ ვერშ. (0,055 საჟ.) და სიგძით 7,39 საჟ. თავი აკლია, მოგლეჯილი აქვს და თარიღი, როგორც ვაქვი, არ არის აღნიშნული, მაგრამ რაკი ამ დავთარში თამაზ სარდალია („თამაზ სარდალის ნასყიდი“) მოხსენებული, შეიძლება ღანამდვილებით დავასკვნათ, რომ ეს აღწერა უნდა მოეხდინათ 1689-ისა და 1718 წლების განმავლობაში. 1689 წელს თამაზს ნაზარალიხანისაგან სარდლობა ებოძა (Пурцеладзе. Двор. Грам. 10), 1718 წელს კი შაჰნავაზმა ის სახასო სოფლების ყაიყული, ყაზანჩა და გოლის ბოლოს მოურავად და სახლთხუცესად დანიშნა (Пурцел. Двор. Грам. 15),—ამ გვარად, აღწერა რომ 1689 წლამდის ყოფილიყო თამაზი სარდალად ან იქნებოდა ჩაწერილი, ხოლო 1718 წლის შემდეგ რომ აღეწერათ საბარათიანო, მაშინ თამაზი სახლთხუცესად უნდა ეთფადოდა მოხსენებული.

მესამე აღწერაც (№ 336) ქალაქის გრაგნილია, უთარილო, სიგანით 5 ვერშ. (0,093 საჟ.) სიგძე 14 საჟ. მე ვერ გამოვარკვიე დაახლოვებით, როდის არის შედგენილი ეს დავთარი, იმიტომ, რომ ჩაში არ მოიპოვება ისეთი ცხადი ნიშნები რომლის ძალით შეიძლებოდეს დროს განსაზღვრა. მაინც ეს დავთარი უნდა ან მე XVII-ე საუკუნეს ეკუთვნოდეს, ან მე XVIII-ეს.

ეს სამი საბუთი—საბარათისანოს და სომხეთის დროშის ხალხის აღწერის დავთარია, იმ ადგილების აღწერაა, რომელნიც ეხლა ბორჩალოს და ახალქალაქის მაზრის ერთ ნაწილს

შეადგენს და სადაც უმეტესად სომხები და თათრები ბინადრობენ. საქართველო მართვა-გამგეობის დაგეგმვად რამდენიმე სადროშოდ იყო დაყოფილი და აღწერის თვითოეული დავთრებიც სწორედ ამ ადმინისტრაციულ ნაწილის-დროშის მცხოვრებთა აღრიცხვას შეიცავს.

ვახტანგ მეფის „დასტურ ლამალი“, ერეკლე I-ის და როსტომ მეფის სიგელები გვიჩვენებენ, რომ თვითოეულ დროშის აღსაწერად უნდა სარდალი, როგორც უმთავრესი ზედამხედველი, და მდივან-მწიგნობარი წასულიყვნენ როგორც მეფე ნაზარალიხანის სიგელიდან ჩანს, ხალხი საქართველოს მშვიდობიანობის დროს 7 წელიწადში ერთხელ უნდა აეწერათ, ხოლო ვახტანგ მეფის „დასტურ ლამალი“ გვიჩვენებს, რომ ტფილისი და მგონი სხვა ქალაქებიც იმავე დროის განმავლობაში უნდა აეწერათ ხოლმე, როდესაც სადროშოები (დასტურ ლამალი 86), მხოლოდ ტექნიკური განსხვავება იმეში მდგომარეობდა, რომ ქალაქში ყოველ აღწერის დროს მეფე თითონ ნიშნავდა ხოლმე „მდივან-მწიგნობარ“-ს (ibid, 86): ეს იმ ორ საბუთითაც მტკიცდება, რომლის ნაწყვეტები ჩვენ ზემოდ მოვიყვანეთ. როგორც სადროშოში, ისევე ქალაქად მცხოვრებთ „ილსაწერლო“ ფულს ართმევდნენ (დასტურლ. 12, 14, 86).

აღწერის დავთრების შესწავლამ დამარწმუნა, რომ „მდივან-მწიგნობარ“-მა განსაკუთრებით ფეოდალურ პრინციპით ხელმძღვანელობდნენ, ესე იგი ისინი მარტო იმას კი არ აქცევდნენ ჯუგადლებას, თუ გინ სად ბინადრობდა და იპოეფობდა, არამედ იმას, გინ რომელ მებატონის ემა იყო, გინ რომელს ეკუთვნოდა, — მოვიყვინ მაგალითს: დავთარში ჯერ აღნიშნულია მებატონის სახელი და გვარი, მაგ. „ამილახორისა“ შემდეგ სწერია ყველა იმ სოფლების სახელები, რომლებშიაც ამ ამილახვარს ყმები მოეპოვება, მაგალითად „თელეთს“ — ჩამოთვლილია ამილახორის ყმების გვარი და სახელები, — „მთლევანს“ აგრედვე იმის ყმებია ჩამოთვლილი (იხ. 1721 წ. დავთარი გვ. 26, 27.), ან კიდევ „ციციშვილის სახლობის

ელიშერის მწყნეთს“ — იმის ყმების გვარი და სახელები, „რეხას“ — ყმების გვარი და სახელები, „საპონაურს“ — ყმების ნუსხა, „ცხოირეთს“ — ყმების სია და სხვა. (ibid. 29, 30). უოგელთგის, წაჭა წაჩქელიძე მებატონის ყმათა სია თაგდება ხოლმე ბოლოში მოყვანილია იმ მებატონის ყმათა ჯამი, მაგალითად „ჯამი იქნა ბატონის მეფის სახასო კომლი ას სამოცდა შვიდი, ბოგანო ოცდა ცამეტი (1721 წ. დავთ. 11), ან კიდევ ჯამი წაღებდა (იარალაშვილისა): კომლი ორმოცდა ხუთი, ბოგანო თორმეტი“ (ibid. 65). მე-XVII—XVIII-ე საუკ. აღწერის დავთარში, რომელიც პეტერბ. საჯარო სამკითხველოშია შენახული, მებატონის ყმათა ჯამი თითოეულ სოფელში ცალცალკეა მოყვანილი, და არა ერთად. დაგთარში მოხსენებულია წაგოტე მებატონის, ისე ყმის გვარი და სახელი, თუმცა ხშირად მართო გვარია ხოლმე, ან წხოლოდ სახელი, მაგალითად „ციციშვილის პაპუნაშვილის ზაზასი“ (1721 წ. დავთ. 30), „ციციშვილის ბაადურაშვილის ზაალისა“ (ibid. 31), „მერაბიშვილის მანუჩარისა“ (35), „მამადედოშვილი დათუნა“ (34) და სხვა, — უგვაროდ — „მდიენის ოთარისა“ (44), „მანუჩარისა“ (ibid.), „მამის იმედი“ (48), „ეგრისელა“ (ibid.), „ასლინი“ (ibid.) „ჩიტუა“ (59) და სხვა.

აღნიშნულია აგრეთვე წამდენ კომლად ითვლება ყმა, ან კომლში წამდენი „თაგია;“ რასა ნიშნავს „თავი“ იმ გვარ შემთხვევებში ჩვენ მწერლობაში ჯერ გამორკვეული არ არის, მაგრამ ერთი ქართული ანდაზა ნებას გვაძლევს დავასკვნათ, რომ „თაგია“ კომლში ოჯახის უფროსს უნდა ნიშნავდეს, მამა — ქმარს, — აი ეს ანდაზა: „ჯერ თავო და თავოო, მერე ცოლო და შვილოო, — კომლში შეიძლება რამდენიმე ოჯახი იყოს, თვითოეულ ოჯახს ეყოლება „თავი“ ანუ უფროსი — „მამა.“ ამ ნაირად მებატონის ყმების სიაში რომ გვარი და სახელია მოხსენებული, ის მთელ კომლის უფროსს ეკუთვნის, ხოლო დავთარში ნაჩვენებია, რამდენი ოჯახი სახლობს თვითოეულ კომლში, მაგ. „შინდლარს მსახლობელი: მანასახლისი შალვა კი

(კომლია) (1) თავი გ (3)... პაპანაშვილი მურდანანა კ'ი ა თავი ე (5)" (იხ. № 336) და სხვა.

დავითარში აღნიშნულია აგრეთვე ქონებრივი მდგომარეობა, მაგ. „ბოგანო (უვენახო გლეხი) ასატურა,“ „ბოგანო ბაინდურა“ (1721 წ. დავთ. 28) „ბოგანო პაპუა“ (29), ან კიდევ—„ძეძენარში ჯალუაშვილი პაპუა, ჯალუაშვილი როსტომა, მამუკა თევდორაშვილი—ეს სამსიგ ერის საკომლოზედ სახლობენ“ (№ 338), „აქაგ გარგაგას სამეხრო მიწა სამოცა დღის,“ „აქაგ თაგუოს სამეხრეო მიწა სამოცა დღის“ № 336) და სხვა. — წოდებრივი ხარისხი, მაგალითად „აზნაურშვილი ყაითმაზაშვილი“ „აზნაურშვილი გიორგი ტაველაშვილი“ (№ 338), ზეიკიძე ხუცესი (1721 წ. დავთ. 19) „ტერტერა“ (თითქმის ყოველთვის სახელი არ არის ხოლმე მოხსენიებული), „ხუცესი მახარობელი“ (ibid. 25) და სხვა.

ამის გარდა აღნიშნულია ხოლმე დაგორებში: ხელობა, მაგ. „მჭედელი მიქელა“ (ibid. 32), „მჭედელი გიუა“ (33), „დურგალი ადიბეგა“ (68), „ქვის მთლელი ევანეზ“ (5) და სხვა.

ოჯახობრივი მდგომარეობა, მაგ. „ქვრივი“ (თითქმის ყოველთვის უსახელოდ), „ობოლი“ (ამ შემთხვევაშიაც სახელი და გვარი არ არის ხოლმე მოხსენიებული).

დავითარში ჩაწერილია ნასყიდობაც, მაგ. „არის ასლანაშვილის ნასყიდობა... „სარდლის ლუარსაბის ნასყიდი თათრაცალს“ (მოყვანილია ნასყიდ ყმათა სია)... „ქაიხოსროს ნასყიდი თოფრაცალას“ (მოყვანილია სია) (იხ. № 338), „როინის მოსყიდული ესტატე“ (1721 წ. დავთ 44) და სხვა.

დავითარში აყრილებსა და ამოგარდნილების შესახებაც მოყვანილია ხოლმე ცნობები, მაგ. „ელფიას:.. ესტატეშვილი თაძაზა... აქაგ აყრილი რაი“ (1721 წ. დავ. 53), „წინ ვენახს: ამოგარდნილი ა“ (ibid.), ან კიდევ „იქმნა... მსახლობარი სოფელი თექვსმეტა, აყრილი სოფელი ხუთი“ (№ 338), ხშირად ისიც კია ხოლმე მოხსენიებული, თუ როდის აყრილან ან გადასახლებულან მცხოვრებნი, მაგ. „ხანზადას სოფელი ზერა-

ღია დიდახნისა“, „ჩახახლუ სუღ ზედიღი არის, ახლა ზედიღი“ (№ 338). დასასრულ, როდესაც დაგთარშა თვითონ-ეუღ ხეობის, ან თემის აღწერა თავდება ხოლმე ბოლოს ეოგელთვის მცხოვრებთა და სოფლების საზოგადო ჯამია ხოლმე მოუყვანილი, მაგ.

„იქმნა: სრუდი: ამისი: ჯაქი: მსახლობარი: სოფელი: კ: ბ: ოხერი: სოფელი: ა: სახასო: მსახლობარი: კომლი: რ[ი]თ; ბოგანო: ი:

სახასო: აყრილი: კომლი: იზ: („ი“ აქ „ო“ ის მაგიერ უნდა იყოს აზნაურშვილის: ყმა: მსახლობარი: ი: აზნაურ-შვილის: ყმა: აყრილი: გ: ბოგანო: დ:

იქნა კდშარად: მოსახლე: კომლი: ის ოცდა: თოთხმეტი(?), ბოგანო: ი: დ: აყრილი: ოთხმოცი: (№ 338).

ამ გვარი ძვირფასი ცნობები ბლომად მოიპოვება ზემოხსენებულ მეკომურთა აღწერის დავთრებში და უნებლიედ იპყრობს კითხვის დროს ადამიანის ყურადღების, მაგრამ ზოგი ცხოვრების მოვლენა ისე ცხადად და თვალსაჩინოდ არის აღნიშნული, რომ მკვლევარს კითხვის დროს გარკვეული შთაბეჭდილება რჩება და დასკვნის გამოყვანა იმ მოვლენის შესახებ ადვილია, ზოგ მოვლენის ასახსნელად კი ხანგრძლივი დაკვირვება და შესწავლაა საჭირო და მათი გაგება ადვილი არაა.

პირველი საინტერესო და დიდ მნიშვნელოვანი საკითხი საბათიანოსა და სომხეთის სადროშოში მამულის მფლობელობის ხასიათია. 1689 — 1718 წ. და 1721 წ. აღწერის დავთრებიდან ჩანს, რომ აქეთკენ ეგელაზე დიდ მებატონეს უნდა შეეფა და შეფას სახლობა ჩაითვალოს. მაგალითად 1689 — 1718 წ. დავთრით ერთ ადგილას სახასო (სამეფო) უმა 110 კომლი და 10 ბოგანო იყო, აზნაურების უმა კი მხოლოდ 15 კომლი და 4 ბოგანო; მეორე ადგილას 57 კომლი 16 ბოგანო სახასო და აზნაურების უმა მარტო 20 კომლი და 3 ბოგანო (№ 338). 1721 წ. დავთრით მარტო მეფეს 155 კომლი და 33 ბოგანო ჰყავდა, ამილდაბარ გოსტაშაბიშვილს-კი, ერთ უმძლოე-

რეს აქაურს მეპატონეს, 76 კომლი და 21 ბოგანო ეკუთნოდა მხოლოდ (იხ. 1721 წ. დავთ. 57). ამილღაბარის გარდა აქეთკენ მოიპოვებოდა კიდევ ორიოდ შეძლებული მეპატონე, საზოგადოთ-კი, რამდენადაც მე მოვასწარ ამ დავთრების შესწავლა, საბარათიანოს და სომხეთის სადროშოში უფრო წვირილ ქონების მეპატრონეები ყოფილან: 20 კომლის, ათის, 5 ის, ორი კომლის პატრონებსაც კი ძალიან ხშირად შეხვდებით. 1721 წელს არც თვით ამილღაბარ გოსტაშაბიშვილსა ჰყოლია ძალიან ბევრი ყმები. 1713 წელს ძმები გოსტაშაბიშვილები გაიყარნენ და მამული და ყმები გაიყვეს; ამათ გაყრილობის წიგნმა ჩვენამდის მოაღწია და ბ. თაყაიშვილის მიერ გამოცემულ საქართველოს სიძველე“-შია დაბეჭდილი. გაყრილობის წიგნიდან ჩანს, რომ ამილღაბარს წილად 74 კომლამდე რგებია. ხოლო გაყრის შემდეგ ყოველ ღონის-ძიებას ხმრობდა, ყოველ შემთხვევით სარგებლობდა, რომ თავის მამულისათვის ხან ყიდვით, ხან მეფის წყალობით რამე მიემატებინა; მართო ამ საბუთებიდანაც კი, რომელიც ბ. თაყაიშვილმა დაბეჭდა, ჩანს, რომ ამილღაბარმა გაყრის შემდეგ (1721 წ.) 1736 წლამდე 15 ახალი მამული მიუმატა თავისას. გაჭირება და სიღატაკე აიძულებდა ხოლმე ღარიბ მეპატრონეს მიეყიდნა თავისი ქონება მძლავრ და მდიდარ ამილღაბარისათვის, რომლის შთამომავალნი გახდნენ საქართველოს უძლიერეს შეძლებულ მემამულეებად.

ეს ცნობები ცხადად გვიჩვენებს, რომ ხალხი თავის მიწა-წყალს სტოგებდა და თითქმის თავზარ-დაცემული გარბოდა მეწინავე დროშიდან—მაგრამ იმ საკითხზე, თუ საით მირბოდა და სადა პოულობდა თავშესაფარს ამდენი ხალხი ჯერ ჯეროებით მხოლოდ სათუო პასუხის მოცემა შემიძლიან. საქართველოს სამეფოს სამხრეთ მაზრებიდან ხალხის მოძრაობა და აყრა ჩვენ მონგოლების ბატონობის დროიდან, მე XIII—XIV ე საუკუნიდანვე შეგვიძლიან აღენიშნოთ: ეს სჩანს ერთ სპარსულ წარწერიდან, რომელიც ქ. ანშია შენახული (იხ. *Աղիჯան. Շիրակ*, გვ. 56). ამ წარწერის ავტორი მცხოვრებთა აყრის მიზეზად ხარჯ-გადასახადის სიმძიმესა სთვლის. მე XVII—XVIII-ე სა-

უკუნეს კი, მკონია, ამ ადგილებიდან მცხოვრებთა აყრის უმთავრესს მიზეზად უნდა ის გარემოება ჩაითვალოს, რომ მტრის შემოსევის დროს პარველად საბარათიანოს და სომხეთის დროშა იგრძნობდა ხოლმე მოწინააღმდეგეთა ძალმომრეობასა და მრისხანებას, თავ-დასხმის საზარელ შედეგს—სახლ-კარის გაოხრებასა და დანგრევასა,—თითქმის ვერც ერთი საქართველოს მტერი ვერ ასცილდებოდა საბარათიანოს გზას, აკი ამიტომაც ერქვა ჩვენებურად ამ მხარეს „მეწინავე დროში“-ის სახელი. მუღმივ მტრის თავ-დასხმასა და ქვეყნის განადგურებას ყოველთვის სურსათ-სანოვების სიძვირე, ხშირად შიმშილიც კი თანახლავს ხოლმე; ერო საბუთში, რომელიც 1672 წელს არის დაწერილი, გლეხი ჯანია და მისი შვილი ზურაბი ამბობენ, „სიღარიბემ და შიმშილმა ისე დაგვატყდა, რომ ჩვენ დალუპის მეტო არა დაგვრჩენოდა, ძნელი დრო იყო ჩვენი დრო; პური ისე გაძვირდა, რომ კოდი ხორბალი მარჩილად იყიდებოდა“ (Иурцеладзе, крест. грам. 6)

ეს აუარებელი მცხოვრებთა აყრა-გადასახლება, ამდენ მეკომურთა მოძრაობა საბარათიანოსა და სომხეთის სადროშოდან განსაკუთრებით მრისხანე შიშვეზის საქართველოში შემოსევის დროიდან უნდა დაწყებულიყო და, რა თქმა უნდა, შემდეგაც ხომ არ შეწყდებოდა. ამ გვარად ამ მე-XVII—XVIII-ე (1689—1718 წ.) საუკუნ. ხალხის აღწერას დაგთარს შეუძლია თვალსაჩინოდ დაგვისურათოს, თუ რა გვაქვს სტოგებდა ხოლმე საქართველოში ამ გვარი მტრის შემოსევა. საბარათიანოს და სომხეთის სადროშოდან აყრილი ხალხი უეჭველია ქართლსა და კახეთს დასახლდებოდნენ, იმიტომ რომ იქ უფრო მშვიდობიანობა იყო და მტრის შემოსევისაგან მაინც უფრო მეტად იყო დაცული ხალხი.

მე მინდა კიდევ ერთი საყურადღებო მოვლენა აღვნიშნო, მით უმეტეს რომ ჩვენ მწერლობაში ამ საგანზე, რამდენადაც მახსოვს, არაფერი თქმულია: 1689—1718 წ. დავთრიდანა სჩანს, რომ საქართველოში, როგორც გლეხის გაუიჯგა შეიძლება, ისე აზნაურისაც, მაგალითად დავთარში სწერია: სარდლის

ლუარსაბის ნასყიდობა თოფრაყალას აზნაურშვილი გიორგი რაველაშვილი“... ან კიდევ იქნა ნასყიდობის ჯამი აზნაურ-შვილი კომლი ჯგ, გლეხი კა“... და სხვა.

ამ გვარი შთაბეჭდილება მოახდინა ჩემზე ზემო აღნიშნულ დავთრების გადაშინჯვამ, ამ გვარი დასკვნა გამოვიყვანე ამ მასალების შესწავლის დროს.

გხლა მე ორიოდ სიტყვა უნდა მოგახსენოთ იმის შესახებ, თუ რისთვის და რა მიზეზით აღგენდნენ ხოლმე ამ ხალხის აღწერის დავთრებს საქართველოში და რა მნიშვნელობა აქვთ მათ ჩვენთვის ამ ეპოქაში.

მოვიგონოთ საბარათიანოს დროშის „მდივან-მწიგნობარი“-ს გივი თუმანიშვილის მოხსენება იმის შესახებ, თუ ვინ „აღწერა ამა დავთარში“ და მაშინ აღვიღოდ მიხვდებით, რა მიზეზით აღგენდნენ ჩვენში აღწერის დავთრებს. თუმანიშვილი ამბობს: აღწერე „ამა დაგთართა შინა, რომელთა ძაღვდგა აბჯართა და ცხენთა კმაკება, გინა სამეფოთა ხარკთა და ბეგაჩათა გამაღება, ხოლო რომელთა არა ძალ ედვის ყოვლისა რასამესი ქმნა და გამოღება, განუტყვეთ და არა დავწერეთ ამა წიგნთა შინა“... (1721 წ. დავთ. წინასიტყ.) ცხადია, რომ ამ დროს საქართველოში მთავრობა ორ საგანზე ფიქრობდა: სამხედროსა და საბეგროსაზე, ესე იგი აღწერის დროს მართვებობას უნდოდა გაეგო, რამდენი კაცის გამოყვანა შეუძლიან მას ომობის დროს და რამდენს შეეძურეს ძაღვს სახელმწიფო გადასახადის გამოღება.

მაგრამ ცხოვრებაში ხომ ამ საბუთებს უფრო მეტი მნიშვნელობა ჰქონდათ: ამ დავთრებსა ხმარდნენ ხოლმე ჩვენ სამეფოს მთავარი მოხელენი, რომ სახელმწიფო შემოსავლის საგარეუდო ჯამი (предворительная смета) გამოეანგარაშებინათ, როგორც ეს მეფე ვახტანგის „დასტურლამალი“-დან ჩანს, სადაც ნათქვამია: „კოდის ზურისა, თუ აღწერამდის სად რამდენი გამოგა“... (დასტურ. 44, 60) და სადაც პურის შემოსავლის რაოდენობის ვარაუდით გამოანგარიშებასათვის მოყვანილია სტატისტიკური ცნობები იმ ადგილების მცხოვრებთა შესახებ, რომლებიდანაც უნდა „კოდის პური“ შემოსულიყო.

ხალხის აღწერის დაგეგმვას ხმარობდნენ აგრეთვე სასა-
მართლოებში ღაგის გაკრეგის დროს: ეს მტკიცდება ტფილი-
სის იმ მოსამართლეთა განაჩენით, რომელთაც ფეიქარი ავაქა
ორბელიანის ყმად ჩასთვალეს მხოლოდ იმის გამო, რომ ავაქა
ტფილისის აღწერის დროს დაეთარში ორბელიანის ყმად ჩაე-
წერა (Пурцеладз, крест. грам. 27, შეად. ვახტანგის კანო-
ნების მე-199-ე მუხლი).

აქამდისინ იმის შესახებ იყო ლაპარაკი, თუ რა მიზნით აღ-
გენდნენ ჩვენში ხალხის აღწერის დავთრებს და რა მნიშვნე-
ლობა ჰქონდათ მათ წინად. გხდა ამ დაგეგმვას უფრო მეტი
ფასი ედებოდა უნდა იმ საეკლესიო და განსაკუთრებულ ცნო-
ბების გამო, რომელნიც მათში მოიპოვებოდა მცხოვრებთა ქონე-
ბრიც, წოდებრიც და საეკლესიო მდგომარეობისა, აღებ-მიცე-
მობისა და აერა-გადასახლების შესახებ.

შემდეგ, როდესაც ქართლისა, კახეთისა და დანარჩენ სა-
დროშოების როგორც ხალხის აღწერის, ისე შემთსავლის დავ-
თრებს ვიპოვით და გამოვაქვეყნებთ, შეიძლება დაახლოვებით
მაინც გამოვარკვიოთ საქართველოს სამეფოს მცხოვრებთა რი-
ცხვი, მოსახლეობის სახშირე და საკომლო გადასახადის რაო-
დენობა. რასაკვირველია, რომ ჩვენი ქვეყნის გეოგრაფიის და
საქართველოს სამეფოში მცხოვრებ სხვა და სხვა ერთა ბინა-
დრობის შესასწავლელად ამ დავთრებს უმთავრესი მნიშვნელო-
ბა ექნებათ.

დასასრულ კერა წარმოგვიდგენს რა ისე ცხადად და ცხო-
ვლად აჩვენებს და განადგურებს საბაზათიანებს და სომ-
ხეთის დროშისა, რომელსაც. როგორც, „მეწინაყეს“, მტკი-
სათვის გზა უნდა შეეკრა და სამშობლო შემოსევისა-
გან დაეცვა, როგორც ეს ზემო აღნიშნული დაგეგმვით:
როდესაც ამ საბუთების მკვიდრთა აყრილობის შესახებ სა-
ბუთებს შეისწავლით, აღვიღად მიხვდებით მაშინ, თუ რაში
მდგომარეობდა საქართველოს სამეფოს უძლიერება მე XVII-ე
და მე-XVIII-ე საუკუნოებშია მაშინ კი გაიგებთ, როგორ ბე-
დავდა ხოლმე მტერი ისე აღვიღად და თამამად საქართველო-
ში შემოსევისა და ფარფაშობას.

ხოლო ის გარემოება, რომ საქართველოში ხალხის აღწერისა და შემოსავლის დაფიქსირება და მრავალი სხვა ამ გვარი საბუთები არსებობდა, ბრწყინვალედ არღვევს იმ პირველ საქართველოს მთავარ-მართებელთაგან გავრცელებულს აზრს, ვითომც საქართველოში ყველა საქმეებს სიტყვიერად აწარმოებდნენ, ან ვითომ ჩვენის მთავრობისა და მის მოხელეთა თავგასულობას და თვით-ნებობას არა ჰქონოდათ საზღვარი...*)

იგ. ჯაფარიშვილი

19²²_{II}01 წ.



*) უმარჩილესად ვთხოვთ ყველას, ვისაც კი ამ შემოსავლის ან ხალხის აღწერის დაფიქსირება ან მორიგი ჯარის ნუსხები აქვთ, დროებით მაინც გადასცენ წერა-კითხვის გამავრცელებელ საზოგადოებას ან ბ-ნ ე. თაყაიშვილის სახელობაზე, ან ჩემს სახელობაზე.